

汾陽縣志卷之十四

藝文四

餞潞州陸長史再守汾州

唐 蘇頌

河尹政成期爲汾昔所推。不榮三入地。還美再臨時。擁傳雲初合。聞鶯日正遲。道旁多出餞。別有吏民思。

故西河郡杜太守輓歌三首

唐 王維

天上去西征。雲中護北平。生擒白馬將。連破黑鵬營。忽見芻靈苦。徒聞竹使榮。空流左氏傳。誰繼卜商名。

返葬金符守。同歸石窀妻。卷衣悲畫翟。持翼待鳴雞。容衛都人慘。山川駟馬嘶。猶聞隴上客。相對哭征西。

塗芻去國門祕器出東園太守留金印夫人罷錦軒旌
旗轉衰木簫鼓上寒原墳樹應西靡長思魏闕恩

西河郡太原守張夫人輓歌

唐李岑

鵲印慶仍傳魚軒寵莫先從夫元凱貴訓子孟珂賢龍
是雙歸日鸞非獨舞年衰榮今共盡悽愴社陵田

和李中丞訓萬年房署少府過汾州景雲觀因以寄

上唐盧綸

顯晦澹無跡賢哉常晏如如何驚孤鶴忽乃傳雙魚叙
以泉石舊悵然風景餘低回青油幕夢寐白雲居玉洞
桂香滿雪壇松影疎沈思羈仙侶紆組正軍書積學早

成道威恩難遂初，梅生諒多感歸止。豈吾廬

送單于裴都護赴西河

唐崔灝

征馬去翩翩，城秋月正圓。單于莫近塞，都護欲臨邊。漢
驛通烟火，胡沙乏井泉。功成須獻捷，未必去經年。

送汾城王主簿

唐韋應物

少年初帶印，汾上又經過。芳草歸時徧，情人故郡多。禁
鐘春雨細，宮樹野煙和。相望東橋別，微風起夕波。

巫山縣汾州唐使君十八弟晏別兼諸公攜酒樂相

送率題小詩留於屋壁

唐杜甫

卧病巴東久，今年強作歸。故人猶遠謫，茲日倍多違。接

宴身兼杖聽歌淚滿衣。諸公不相棄。擁別惜光輝。

過宋員外之問舊莊

唐杜甫

宋公舊池館。零落首陽阿。枉道祇從入。吟詩許更過。淹留問父老。寂寞向山阿。更識將軍樹。悲風日暮多。

謝汾州田大夫寄茸璫葡萄

唐姚合

筐封紫葡萄。筒卷白茸毛。卧暖身應健。含消齒免勞。衾衣疎不稱。梨栗鄙難高。曉起題詩報。寒嘶滿筆毫。

留題汾上舊居

唐薛能

鄉園一別五年歸。廻首人間總禍機。尚勝鄰翁常寂寞。敢嫌裘馬未輕肥。塵顏不見應消落。庭樹曾栽已合圍。

難說累牽還却去，可憐榆柳尚依依。

懷汾上舊居

唐薛能

素汾千載傍吾家，常境衡門對浣紗。
好事喜逢投宿客，刈田因得自生瓜。
山頭吹笛陰沈廟，陌上新蒸突兀車。
投暗作珠何所用，被人專擬害靈蛇。

題賀魯將軍祠

唐田肇

身歿中都將，芳遺賀魯祠。
靈泉生馬足，神宇構雲基。
鬣潛離牖，潺湲旋別池。
鶯啼沉谷靜，華落茂林滋。
巖草遊庭鹿，清風嘯月鴟。
曾懷憂物志，常赴惠人期。
佑享朝懸樂，精誠夙問龜。
將軍於此地，灾福信無私。

子夏祠 宋趙瞻

山因先師成令名人心仰止懸青冥文侯北面欵山肩
石室至今猶南傾直松萬株天籟聲長材大棟資連甍
溪泉四出照骨清潤物功溥民罔爭朝兮新雲澤根莖
暮兮和風發勾萌山川氣稟天地英民何知爲夫子靈
魏最稱治由師經晉俗自是多諸生時尙辭華取未精
皓首學行徒修明非無神降弼王庭國朝嘗議平文衡
斯文未喪吾道亨商之傳授今可行

郭林宗故宅 宋趙瞻

悲哉漢末之人士虛名譁衆世皆靡姦邪憤怒相角觝

潰然天下黨錮起黨禁根剔密如此何歟網漏郭夫子
意在大儒照物理逆鑒禍福以行己才不蓋人行不詭
謙損涵納海之水又豈高卧安閭里鴻飛鳳舉不可企
前視亂國如覆軌明哲大雅之所美有道進退能猶是
故宅莫問但遺址然誰謂謂李元禮其徒器識不能爾
鶴鳴古洞

宋趙瞻

山勢嵯峨接遠峰九臯鶴唳徹長空清音彷彿蒼松外
疎影依稀皓月中石洞雲封仙去後桑田世換水流同
登臨厭聽黃鸝語弄巧綿蠻噪碧叢

文湖漁唱

宋趙瞻

湖光瀲灩泛蓮荷。欸乃漁郎慣此過。笛韻吹殘紅蓼岸。
櫓聲搖出錦鱗窩。狂歌明月閒愁少。放浪扁舟適興多。
蓴菜鱸魚供一醉。棹歌歸去卧煙蓑。

馬跑神泉

宋虛象

將軍稱賀魯遺廟。俯靈淵。滌滌噴蛟龍穴。波跳赤鯉泉路。
迴芹澗水。村近石林烟。野馬含暄氣。農夫出故躔。土膏
興耒耜。尸祝傍山巔。閱世無銘石。茲遊匪暮天。頃來規
下字。必葺慕先賢。悅使成能事。掄材出俸錢。仇香推幹
蠱。班匠擇精專。黜堊何其麗。欒櫨本自然。松青離石道。
雲白介山田。適歎飛羣速。仍憂黃雀穿。梨花寒食後。桂

籍酒樽前饑麝尋香栢流鶯助晚絃吳歛摧玉笋趙舞
落金鈿上已無過酒春衣試欲漙故園思鞏洛襖飲客
汾川寄語西河老鄉心朝暮懸

謁狄武襄祠 金王鑄

傑士西河秀英雄挺偉姿奮身甘衛國彌節願匡時妙
略風雲會威名草木知功高懾南服計重破西陲定亂
勞三箭平戎在一麾勢傾銅柱遠聲振玉關奇頗牧才
何濟孫吳譽竝馳朝廷分重寄將相賴兼資豹畧多全
勝鷹揚屢捷師雍容敦禮樂談笑屈熊羆褒錫酬車服
勲勞著鼎彝雲臺儼冠劍麟閣繪形儀錦里家仍在蘭

陵塚不隳。風號墳上木。苔漬廟前碑。過客煩詩句。居人奉酒卮。汾陽遺美蹟。千古話芳規。

送二道者歸汾州

金許安人

介休山下兩閒人。來訪汾陽舊使君。明日却歸塵外去。一雙白鶴上青雲。

汾州北席里石氏節婦

元陳旅

北里高樓晝掩扉。水銅光冷上苔衣。寸心誓比南山石。汾水秋風鴈不歸。

馬跑泉禱雨

明祝顥

山川出雲雨。潤物固其功。茲泉發祥久。備載州乘中。維

時屬多故，積歲罹荒凶。憂傷軫當宁，遣使祀靈宮。祝辭致虔懇，香帛寓寅恭。嗟予本微陋，旬宣忝陪從。願言沛甘澤，一以蕪疲癯。惟神荅靈貺，庶幾昭感通。

歸田 明鄭觀

嵩少歸來卧卜山，浩歌聊適白雲間。門當流水聲常在，鶴舞秋風意自閒。清興舉杯邀月醉，倦遊呼伴引筇還。蕪田賴有阿舒輩，世事寥寥總不關。

送客遊長春觀 明賈璇

長春觀裏最幽清，送客西歸適我情。獨賞孤松含晚翠，不看衆木占先榮。四圍山色濃還淡，一派河流縱復橫。

汾陽縣志 卷十四 詩
若說仙家都是幻，何如拍手鶴來鳴。

段干木祠

明王翰

殺妻吳起非良將，食子樂羊真鄙人。爭若先生無一事，
西河能解虎狼秦。

汾州閱武

明魏允貞

親提虎旅控西河，聞道匈奴遮塞過。門外秋聲生鐵甲，
臺前霜色上雕戈。材官一夜精神倍，野戍三秦殺氣多。
安得普天烽火熄，盡將鐃吹變笙歌。

卜山書院

明慶成王慎鍾

洙泗傳經業，河汾退老居。山深惟石室，泉隱自林墟。樹

鳥鳴先哲階蟲篆古書聖門重高尚千載仰芳譽

過金鎖關

明朱鳳岩

世事已如此勞勞愧此生十年塵土夢萬里故鄉情曲
路稀人跡高天有鴈聲羞看白髮變忽爾壯心驚

文湖漁唱

明鄭儀

萬頃銀濤裏扁舟雜往還煙消然竹籜日上整綸竿睡
足蘆花月歌殘雲水灣得魚橫野渡心與白鷗閒

謝郡侯張公禱雨輒應

明孔天爵

使君閔雨愜靈心一請垂天三日霖笙鼓水龍喧社處
兒童竹馬躍城陰青山閣眺晴光滿翠野帷褰秀色深

汾陽縣志 卷一 四
歲有何人不稱慶老農先奉萬年吟

送李西渠通府署汾畢事還潞

明孔天醕

五龍高郡出浮雲一鶴清風借與汾月在冰壺同亮采
雨隨芝蓋下晴曛舊疆還守車仍邁新館留行袂竟分
東望迢迢盡烟樹可勝嵐嶺復氤氲

贈程一山叅戎始建牙汾郡

明孔天醕

北闕授符推轂後西河分閫建牙初宏修軍禮昭文幕
遠聞兵威到朔廬戍靜關山和月唱氓安隴晦帶經鋤
方知上將收全勝頓令邊庭絕羽書

贈張龍岨太守入覲榮旋

明孔天醕

春日朝迴守舊疆萬家烟景襲餘光桃紅細雨隨車下
蘭葉香風引綬長再見王君馳蜀道重逢寇老借河陽
依然美稷兒童輩竹馬紛紜迓路旁

仙槐觀訪王全真道士

明孔天爵

拾榆猶不至容與道林翔庭儼更生樹人修不死方詩
瓢逢隱逸茗椀酌清香無限青霞意偏令此地長

贈杭太守抗疏還山

明孔天爵

使君明經致高位五馬雙旌列侯貴到官首夏同清和
忽感秋風遽思退乞陳疊疊遂連章印綬纍纍不可繫
當塗留勉惠元元使君必欲果歸言吏民擁門復遮道

使君不肯停征軒。只耽江上尊鱸美。詎戀橫汾簫鼓喧。
橫汾簫鼓聲。嗚咽寒雲一片傷心絕。塞北江南此地分。
水遠山長夢難閱。搖搖玉馬曉離披。冉冉金烏夕明滅。
昔時名重孝廉船。殊勝青雲著早鞭。今日扁舟羨張翰。
孤棹何慚李郭仙。紅蓼灘頭罷吹笛。曠放太湖清渺然。
看君骨相冰壺裏。朱絲之繩直堪比。卜居偏鄰善卷洞。
辭榮獨慕延陵子。五岳尋真非浪遊。定得無生亦有死。
神鼎丹砂爛九霞。王陽黃芽滋萬藥。將追二老芥六合。
何怪棄官如敝屣。

伏暑登郡城北樓

明孔天爵

逃炎攜酒得同遊。共上高城一倚樓。窻閃樹光涵遠岸。
簷飛旗影像虛舟。科頭白口冠皆掛。揮手紅塵劒獨留。
向夕須收阮公嘯。露華瓊宇不勝秋。

暮春過子夏祠

明孔天爵

舊蹟陶山表。荒祠相里存。土花閑雨繡。石樹斷雲屯。聖
遠傳經術。時危輟道論。寥寥竟千載。誰與奠芳蓀。

卜亭行

憶昔先師道不行。七十二賢皆守經。大者散爲侯國師。
小者宰邑餘飄萍。當時魏文頗重道。其師卜商抱道西。
河老玉韞自然山。有暉至今山以下爲寶。此山峯聳橫。